

# Bibiliya y'Abana Ishikirije



Dawidi Umwami  
(Igice Ca 2)



Yanditswe na: Edward Hughes

Amashusho ashirwamwo na:  
Lazarus; Alastair Paterson

Itunganywa na: Ruth Klassen

Isobanurwa mu Kirundi na:  
Manurakoze Pacifique

Yateguwe na: Biblefor Children  
[www.M1914.org](http://www.M1914.org)

©2023 Bible for Children, Inc.

Uburenganzira: Murafise uburenganzira bwo kwimura canke  
gusohora ku mpapuro iyi nkuru mugihe gusa mutayigurisha.




Dawidi yari umwami y'i yudaya, mu bumanuko  
bwa palesitina. Ariko  
igice gisigaye ca isirayeli  
bafata Ishibosheti,  
umuhungu wa Sawuli,  
ngo ababere  
umwami.

Intambara  
isasika  
inganda kumara  
imyaka indwi  
ariko dawidi we  
yagenda  
arushiriza  
gukomera.




Impera n'imperuka umwami ishibosheti yicwa  
n'abasoda babiri bo mungabo ziwe.




Maze imiryango yose ya isirayeli iza kuri dawidi iramwimika ngo abe umwami wa isirayeli. Mumyaka itari mike, Dawidi yabaye umwami w'ihanga rya isirayeli ryose.



Ikintu ca mbere umwami dawidi yakoze kwabaye gufata Yerusalem. Haca hamenyekana nk'umurwa wa Dawidi. Aca ahubaka nk'ahantu h'inkomezi ho kurwanya abansi biwe. Bavuye i yerusalem, ingabo za dawidi zija kwigarurira abafilisitiya n'abandi bansi ba isirayeli.





Munyuma, umwami  
dawidi agarukana  
isandugu y'Imana i  
yerusalemu. Iyo  
sandugu yarimwo  
vyabisate vy'amabuye  
vyariko amabwiriza  
cumi n'ayandi  
mategeko Imana yari  
yahaye Mose. Isandugu  
yibutsa ab'isirayeli  
ukwera kw'Imana  
n'uko bakeneye  
kuyumvira.





Dawidi yagwanye  
intambara nyishi mumyaka  
yambere y'intwaro yiwe.  
Yari umusirikare yiteguye  
kandi aciye bugufi  
yasenga kugira ngo  
Imana imurongore.





Vyarababaza cane  
Dawidi kuba afise inzu  
nziza cane yo kubamwo  
ariko isandugu y'Imana  
ikaguma mw'ihema.  
Dawidi afata ingingo  
yo kwubaka ingoro  
y'Imana.  
Natani,  
umuvugishwa  
n'Imana,  
amutera  
umwete wo  
kuyubaka.





Iryo joro  
nyene, Imana  
irungikira  
dawidi  
ubutumwa  
ikoresheje  
Natani iti:  
“Uhoraho

akumeneyesheje ko

azokwubakira inzu. Igihe imisi yawe izoba iheze, aho  
uzoba umaze guhamvy a ba so, nzohagurutsa uruvyaro  
rwawe ruzogukurikira. Inzu yawe n'inganji yawe  
bizokwamaho, intebe yawe izokwama ihangamye.”



Dawidi yipfuza gufasha amasigarira yo mumuryango wa sawuli. Abona mefibosheti gusa, umuhungu wa yonatani. Yari yaramugaye ibirenge. Dawidi avuga ati: "Azorira kumeza yanje, nk'umwe mubahungu b'umwami."



Yonatani yari umugenzi adasanzwe wa dawidi.






Mumyaka yose dawidi yizeye Imana kandi akayumvira, Imana yagiye ifasha dawidi kuroranirwa. Ariko umusi umwe igitutu giteye ubwoba kirwa k'ubuzima bwa dawidi. Arungika ingabo ziwe muntambara, ariko we yigumira i yerusalem. Ijoro rimwe, bimwankira kuryama, agendagenda hejuru kunzu yitegerezza igisagara.

Dawidi abona umugore mwiza  
yariko ariyoga. Yitwa  
batisheba. Dawidi akorana  
icaha na we, mugihe umugabo  
wiwe Uriya yari umwe mungabo  
ziwe zikomeye. Batisheba  
amaze kubarira dawidi ko  
yasamye inda, dawidi amenya  
ko icaha ciwe kizotera  
ingorane nyishi.





Aho kwishikanira Imana,  
dawidi yahisemwo kunyegeza icaha ciwe. Ivyo  
ntivyigeze bikunda! Agarukana uriya amukuye  
k'urubuga rw'intambara, yizeye ko azokwibaza ko  
uwo mwana azoba avutse azoba ari uwiwe. Ariko  
uriya aranka kuja iwe mugihe bagenzi we bari  
m'urugamba. Aryama kumbuga y'inzu y'umwami.



Maze dawidi akora  
ikindi kintu kibi  
cane. Asubiza uriya  
muntambara  
amurungikanye icete  
gisaba intwazangabo  
kumenya ko uriya  
yiciwe muntambara.  
Dawidi aca afata  
batisheba  
aramwabira.




Imana irungika umukozi wayo  
Natani, kugira yereke dawidi  
uburemere bw'icaha yakoze.  
Amwiganira inkuru y'umuntu  
w'umutunzi n'umuntu w'umworo.  
Umutunzi yari atunze intama  
nyishi, ariko umuntu  
w'umworo yari afise  
akagazi k'intama  
kamwe gusa, ako  
yafata nk'umwana  
wiwe.



Wa mutunzi agendewe n'umushitsi, ntiyashaka kwica intama imwe muri zimwe atunze kugira azimane uwo mushitsi. Aca afata kakagazi k'intama ka wamworo.





Ishavu rya dawidi rica  
rirakarira uwo muntu  
w'umutunzi yakoze ivyo.  
Aravuga akaze ati: "Umuntu  
yakoze ivyo, akwiye gupfa."




Natani abarira dawidi adakikiriza ati: "Uwo muntu ni wewe". Ico dawidi yari yakoze cari kibi cane gusumba ivyo uwo muntu w'umutunzi yavugwa muri iyo nkuru yari yakoze.



Imana yariko yereka dawidi ko atsinzwe imbere  
y'Imana. Kandi dawidi yarababajwe n'icaha yakoze.

Aca aravuga ati: "Nacumuye  
k'Uhoraho. Nakoze ikibi."  
Kandi Imana ica iharira  
icaha ca dawidi. Ariko  
umwana wa Batisheba  
ararwara araremba,  
aca apfa inyuma yo  
kuvuka kwiwe.





Imana iha ikigongwe dawidi  
kucaha giteye ubwoba yari  
yakoze. Maze batisheba  
avyara uwundi mwana, Salomo,  
yabaye umwami akomeye  
inyuma ya Dawidi. Ariko  
dawidi yaravyaye abandi bana  
beshi, muribo hariho  
abamuteye umubabaro  
ukomeye.



Dawidi Umwami (Igice Ca 2)

Inkuru ivuye mw'Ijambo ry'Imana, Bibiliya

tuyisanga muri

2 Samweli 1-12

"Guhishurirwa amajambo yawe kuzana umuco,  
guha abatungu ubwenge." Zaburi 119:130






Iherezo



21



60



Iyi nkuru ya bibiliya itubwira kuvyerekeye Imana  
yacu y'igitangaza yaturemye kandi igashaka ko tuyimenya.

Imana irazi ko twakoze ibibi, arivyo yita icaha. Igihano c'icaha ni urupfu ariko Imana iragukunda cane yarungitse umwana wayo w'ikinege, Yesu, gupfa ku musalaba kugira ahanwe kubw, ivyaha vyawe. Hama Yesu asubira kubaho aca agenda I muhira mw'ijuru. Niwizera Yesu ukamusaba aguharire ivyaha vyawe, azobikora. Azoza abe muri wewe, hama uzobana na we ibihe bidashira.

Niwizera uko ni ukuri, bwira Imana ibi:  
Yesu mwiza, ndizera ko uri Imana, kandi wacitse umuntu ugapfa kubera ivyaha vyanje, hama ubu ukaba uri muzima. Rero ingo mu buggingo bwanje hama uharire ivyaha vyanje, kugira ngire ubugingo bushasha, hama umunsi umwe nze mbane na we ubugingo budashira. Mfasha kugira ndakwumvire kandi mbeho ku bwawe nk'Umwana wawe. Amen.

Soma bibiliya hama uvugane n'Imana iminsi yose. Yohana 3:16

